

Dairi - Tendi Geraha Bibèl - SW Intro Scriptures

Lukas 17:5 Nai nina rasul-rasul idi mo taba Tuhan Jesus, "Tuhan, petegguh mo kepercayaen nami."

Rom 10:17 Ai merkitèken mendengkohken jamita i ngo gabè lot kepercayaen, janah idengkoh jamita kumarna lot kalak simenjamitaken tersèngèt Kristus.

Lukas 11:1 Tikan sikali mersodip mo Jesus i sada bekkas. Pul kessa ia mersodip idi idokken sada kalak sisinNa mo tabasa, "Tuhan, ajari mo kami mersodip, bagè si Johanes iajari ngo sisinna mersodip."

1 Timoteus 2:1-4 Perlebbè kalohoон peddahku bamu imo: Dak mersodip mo kono mengido taba Dèbata ninganna mengondiken dengan janah mendokken mejalo metangkup bai Dèbata kumarna karina dengan; 2 mengkepkep karina raja dekket karina kalak perkuasa. Pido mo asa sennang kita janah oda lot mara banta lako mengulaken bahanta bai Dèbata. 3 Sodip sibagidi ngo merandal janah ikellemmoken Dèbata Sipaluuhken kita. 4 Ipergeddo ukurNa ngo asa karina jelma maluah janah menandai kesèntengen i,

Lukas 22:31 "Simon, Simon, dengkohken mo! Enggo iberrè ijin bai Sibolis lako mengoji kènè; bagè mennapi pagè gabè ipejaè mo simerandal ibas simerroha nai.

Zakharia 3:1,2 - Judas 1:9 Salang si Mikhael oda nung ibaing bagè pengelako kalak idi i, tukasi pè ia huntuun malaèkat-malaèkat i karina. Tikan merselish kalak i dekket Sibolis tersèngèt bangkè si Musa, oda nung si Mikhael menghukum Sibolis i merkitè kata mengelèai. Pellin èn ngo kessa idokken si Mikhael, "Ipincang Tuhan i mo kono!"

Epesus 6:12 Kerna oda ngo taba jelma kita juhap, tapi mengalo kegegohen karina sètan-sètan simengerajai jaman jahat ènda ngo. Mengalo kegegohen tendi jahat simengerajai abang-abang i ngo kita.

Epesus 6:10,11 Laènkenna i naing mo gabè ntegguh kènè ibagasan kegegohen nijalo ndènè bai Tuhan i nai. 11 Pakkè kènè mo karinana senjata nijalo ndènè bai Dèbata nai, asa ndorok kènè mengalo akkal-akkal Sibolis i.

Epesus 6:13-17 Kerna naidi pakkè kènè mo senjata bai Dèbata nai, asa mula roh sijahat i, gabè ndorok mo kènè mengalo musuh i janah mula enggo juhap kènè soh mi puncana, dak mergegoh ngo kènè tong. 14 Kerna naidi tettah mo kènè cènder, bèntingken kènè mo kebennaren i abak ndènè, janah pakkèken kènè mo baju bessi ketègerren mahan pertahanen ndènè. 15 Nènèh ndènè mercipatuken kekasahen lako magahken Sukuten Kelluahen merembahken kedamèen i. 16 Adumna i embah-embah mo gennep tèk tambeng-tambeng i, imo kepercayaen i, ai merkitèken tambeng-tambeng idi tertaluken kènè ngo karinana pengèpuh oltep perjahat i. 17

Jalo janah tangkulukken kènè mo tangkuluk kelluahen i dekket peddang bai Tendi Perbadia nai, imo kata Dèbata.

Heber 4:12 Ai nggelluh ngo kata Dèbata janah mergegoh; tajemmen asa peddang sidua babah. Mennusuk ngo kata i mi kessah dekket mi tendi; soh mi sendih bak otok-otok pe, gabè ibetoh ngo soh mi simbagesna sinipikiren dekket sinisura-sura jelma.

Lukas 4:8 Ialoi Jesus mo, "Tersurat ngo ibas Bibèl, pellin Tuhan Dèbatamu ngo sisembahanmu janah la ngo sikebbasenmu!"

Epesus 6:18 Baing kènè mo bagidi ninganna mersodip, lako mengido urup bai Dèbata nai. Gennep tèk mo kènè mersodip tosè mi penggerrekken Tendi i, janah tettap ndungo, ulang ndotè, jugulken kènè mo mennodipken karinana ummat Dèbata.

1 Samuel 17:45-47 - Daud & Goliath

Lukas 10:17-20 Balik mo sisiin sipitu puluh kalak idi ibagasan sampang atè.

"Tuhan" nina kalak idi. "Tunduk ngo karinana dekket sètan pè kubakin kami mengasangken gerarMu!" 18 Ialoi Jesus mo, "Kuidah ngo ndabuh i langit nai Sètan i bagè pellian. 19 Èngèt kènè mo, enggo Kuberrèken kuasa bai ndènè mendeddoh nipè dekket bik, bak kuasa lako mennaluken karinana musuh. Janah kadè poda ndorok mencilakai kènè. 20 Tapi ulang pella lolo ukur ndènè kumarna karina tendi jahat i tunduk bai ndènè. Tapi lolo mo kènè, kerna enggo isuratken gerar ndènè i sorga."

2 Korintus 10:3-5 Tuhu nggelluh dèng ngo kami i tanoh èn, tapi oda bagè tanoh èn memmaing nami. 4 Ai oda ngo i dunia èn nai sinjata nami, tapi sinjata bai Dèbata nai ngo janah mergegoh lako mengerumpakken pertahanen kejelmaan, kuplesiding kami ngo persiroon-persiroon, 5 kurumpakken kami ngo nasa ukur ntudak simengilakken sibennar bai Dèbata nai. Kutaban kami ngo pikiren ni dèba, janah gabè penguèi kalak i taba Kristus.

2 Timoteus 1:7 Kerna ukum Tendi siniberrèken Dèbata banta i, oda ngo Tendi memmaing kita asa gabè buradan. Tapi memmaing kita gabè mergegoh ngo, dom masèh atè janah merpengerrem.

Mateus 12:28,29 Asa ukum Aku, Tendi Dèbata ngo memerrèken kuasa bangku lako mengusir sètan. Merlapaten ngo i: Enggo imulai Dèbata kerajaenNa i tengah-tengah ndènè. 29 Bakunè kin mo ndorok mbengket mi sada bages simergegoh lako mengerampasi hartana, kum mak lebbèen ièkèti kalak simergegoh i? Nai ipè asa ndorok irampasi hartana idi.

Epesus 1:13 Kènè pè enggo ummat Dèbata sinderrang idengkoh kènè kata bennar i, imo Sukuten Kelluahen merrèken kelluahen bai ndènè.

Sinderrangna i ngo iberrèken Dèbata pertandaan bai ndènè magahken enggo milikna kènè, imo Tendi Perbadia sienggo niperbagah-bagahna i.

Ulaan Apostèl 19:6 Jadi sinderrang iampèken si Paulus tanganna taba kalak i, mèter isenggeppi Tendi Perbadia mo kalak i. Nai mèter mengeranai mo

kalak idi i kata sidèba janah meralaten.

Markus 16:15-18 Idokken Jesus mo taba kalak idi, "Laus mo kènè mi suberri dunia èn, bagahken kènè mo Sukuten Kelluahen bai Dèbata nai mendahi karina jelma. 16 Barang isè percaya janah iperridi, maluah ngo. Tapi kalak siso percaya, kenna hukum ngo. 17 Taba kalak siperanya, iberrèken ngo tanda-tanda kuasa: lusir kalak idi mo sètan-sètan merkitè gerarKu, mengerrana ngo kalak i dekket kata siso itandai kin. 18 Mula pè ijamat kalak idi nipè, barang iènum racun, oda kadèen kalak idi. Mula iampèken kalak i tanganna bai kalak sisakiten, njuah mo iakap sisakiten idi."

1 Johanes 1:9 Tapi mula siakku dosanta bai Dèbata, kettoken ngo la janah adil, gabè isasa ngo dosanta ninganNa iepanting kita ipas karina kegèduken nai.

Psalm 109:17 - Jakobus 3:10 Arap sada babah ngo ruap kata menjalo metangkup dekket kata sumpah. Patutna oda ndorok nemmuken bagi!

Hukum 16:16 - 2 Petrus 2:7,8 Tapi ipaluah ngo si Lot, kumarna iuèi si Lot Dèbata, tukasi pè dak isusahi kalak siso menguèi kata Dèbata ia. 8 Tersiksa ngo pengakap si Lot i tengah-tengah kalak sibagidi, ai dak gennep ari ngo idah janah idengkoh pengellako kalak i siso kasèa i.

Epesus 4:26 Mula mellaga kènè ulang mo sanga merdosa. Ulang sanga sundut mataniari mak malap laga ndènè.

Rom 14:12 Karinana kita kennah mertanggung jabab tersèngèt mi sinibaingta seggen i hadeppen Dèbata.

1 Johanes 2:23 Ai barang isè oda tok taba Anak i, oda ma ngo tok ia bai Bapa i, janah simengketoki Anak i, ikettoki ma mo bak Dèbata.

Johanes 14:6 Ialoi Jesus mo, "Aku ngo dalan lako menandai Dèbata, dekket dalan asa terolih kengelluhen. Sada poda ndorok soh mendahi Bapa, ukum mak merkitè-kitè Aku.

Mateus 11:28-30 "Roh mo kènè karinana mendahi Aku kènè sienggo leja janah botongen asa Kupesennang kènè. 29 Uèi kènè mo Aku janah guruken kènè mo bangku nai, ai melamlam janah ncerrep merukur ngo Aku, asa dapetten kesennangen Tendi ndènè. 30 Ai maing sennang ngo perèntah-perèntahKu janah menahang ngo siKupepersanken bai ndènè."

2 Korintus 6:2 Nina Dèbata ngo ibas Bibèl i, "Tikan permasèh atèen ngo kènè kudengkohken. Janah tikan ari kelluahen ngo kènè kuurupi!" Bettoh kènè mo! Bagèndari mo tikki permasèh atèen i. Bagèndari mo kelluahen idi.

Rom 10:13 Ai tersurat ngo ibas Bibèl, "Maluah ngo karina simendilo gerar Tuhan i".

Exodus 20:5 - sin cursed to 3 & 4 generations